

E6 O Partisano

Ando bêš 1942 angêrde le Josef Serynekos kethane leska řomnjasa taj leskê šavořenca ande čexicko "Zigeunerlager" ando Lety u Písku. Kana muli leski řomnji ando bêš 1943, našlo vov anda logoro taj gêlo ka l' partisanur. Kote formirisardja jek resistansaki grupa le anavesa "Čapajev". La grupakê membrur sas maj but naše řusijakê marimaskê řobur. O Josef Serynek – maj but prinžando sar "o kalo partisano" – kêdilo ande pesko them jek kata le maj dekoririme marimaskê vitjazur. Vov mulo ando bêš 1974.



1910

1951

1942-45

💡 Žanglen tumen

...kê but Řom taj Sinti sas aktivni ande resistansa? But anda lende sas ašunde veteranur kata angluno ljumako marimos, save linesas pačivakê medajle taj save žanenas sar te marel pe.

...kê pe vrjama kata o dujto ljumako marimos sas but Řomnja ando marimos aktivni sar kêtani taj partisanur?

✍ Tumari bući

So sí e diferencija maškar jek partisano taj jek kêtana? Sas ande tumaro them pe vrjama kata o dujto ljumako marimos – vaj palal – partisanur? Kon sas lengê marimaskê dušmaja?

📷 Paj fotografija

O Josef Serynek, dujto kataj stingo rig, pe 'k patreto kaj snimisajlo pe vrjama pala marimos. Muzejumo la Řomaja Kulturako, Brno/ Čexoski Republika.



<https://www.romasintigenocide.eu/kelderash/e>